

趙松雪全集

王桐題



趙松雪全集

王恂題

趙文敏公松雪齋全集卷五

海上後學曹培廉敬三校

七言律詩

海子上即事與李子構同賦

小姬勸客倒金壺家近荷花似鏡湖
遊騎等閒來洗馬舞靴輕妙迅飛鳧
油雲判污纏頭錦粉汗生憐絡臂珠
只有道人塵境靜一襟涼思詠風雩

李詩云馳道塵香逐玉珂形樓花暗鼓雲和光風漸綠瀛洲細雨微生
太液波月榭管絃鳴曙早水亭簾幙受寒多少年易動傷心感喚取蛾
眉對酒歌子構名才京兆人年十七賦此詩不幸早亡雜於唐人詩中
未易辨也客有賦十月桃者于構云劉郎再來歲云莫王母一笑天回
春衆皆鉗口不作亦奇句也因附此

重用韻

更從何處訪蓬壺花滿平堤水滿湖
韓嫣金丸落飛鳥王喬仙履下雙鳧
姬姜自愛千金貲遊俠輕量一斛珠
我老不知年少事水邊行散似春雩

次韻西雲長老贈周仲和

江南春水碧於天白鳥滄洲興渺然
刺綉可能如倚市力田終不似逢年
幾因

尊榮懷張翰欲把丹砂訪稚川才力如君强健在不妨沽酒醉花前

送杜伯玉四川行省都事

浣花溪上草堂存今見能詩幾代孫橘刺藤梢隱聚竹椒漿桂酒薦芳蓀日長
畫省文書靜春近岷江雪浪奔我向東吳君向蜀別離從古解銷魂

次韻李秀才見贈

曾是先皇侍從班龍髯飛去竟難攀重來赤日黃塵裏夢到清泉白石間豈有
文章供世用久判漁釣與雲閒何當便理南歸棹呼酒登樓看弁山

人日立春

今年人日與春并人得春來喜氣迎宮柳風微金縷重御溝冰泮玉鱗生陰消
已覺餘寒散陽長爭看曉日明霜鬢綵幡渾不稱強題新句慰羈情

送岳德敬提舉甘肅儒學

苦欲留君君不留奮髯跨馬走甘州功名到手不可避富貴逼人那得休春酒
葡萄歌窈窕秋沙首宿飽驂騑儒冠也有封侯相萬里歸來尚黑頭

送蕭萬戶鎮閬州

錦屏山下蜀江清
閬州城南春意生
投壺今見詩書帥
樹利遙憐鼓角營
遠戍固須煩將略
雜耕因足見民情
梅花到日應如雪
折取繁枝一寄聲

留別潘王

珍重王門晚受知
一年長恨曳裾遲
分甌共酌人參飲
遶逕同看芍藥枝
華屋焚香凝燕寢
畫屏摘句寫烏絲
吳船萬里東南去
采盡蘋花有所思

德昌總管雪後見過而余適往德清別業歸來承惠詩走筆奉和

年過五十已無聞
老子猶容醉吐茵
短棹衝寒投別墅
朱轡行雪布陽春
詩成自可追羣玉
筆凍真能禿萬莛
且喜豐年多美酒
傳杯慎勿厭逡巡

三日後再雪德昌復枉騎見過既而復和前篇見贈輒亦次韻

夜深萬籟寂無聞
曉看平階展素茵
茗椀縱寒終有韻
梅花雖冷自知春
使君磊落如天驥
老我堆豗似凍鵝
深愧閉門高卧客
枉勞車騎已三巡

己酉元日朝拜喜晴總管次前韻見教復和一首

公庭拜罷笑聲聞
曉色瞳瞳射錦茵
元日不陰占樂歲
太平有象兆新春
不知何地來銀甕
復報諸方致白氍
綈四海治安封禪舉
岱宗久已望東巡

遊烏鎮次韻于瀨長老

澤國人烟一聚間時看華屋出林端已尋竹院心源淨更上松樓眼界寬千古
不磨唯佛法百年多病只儒冠相逢已定詩盟了他日重尋想未寒

贈張進中筆生

平生翰墨空餘習喜見張生縛鼠毫韓子未容誇兔穎涪翁底用賦狸毛黑頭
便有中書意黃紙宜辭署宇勞千古無人繼義獻世間筆塚為誰高

贈放烟火者

人間巧藝奪天工鍊藥燃燈清晝同柳絮飛殘鋪地白桃花落盡滿階紅紛紛
燦爛如星隕燿燿喧阗似火攻後夜再翻花上錦不愁零亂向東風

輓洞霄章耕隱

黃髮蕭蕭瘦骨清每於談妙見高情瓊漿正欲分丹鼎霞佩故為返赤城白鶴
歸來華表在碧桃開盡玉棺成師今此去良難悼萬壑松風共此聲

題溫雪峰詩蹟

出擁旌麾一俊臣歸尋松竹作閒人龍蛇留遺人間世泉石逍遙物外身自古

神仙皆曠達由來豪傑豈埃塵山川良是諸孫老華表歸來又幾春

次韻龐夸簡禮部

故山深處桂陰濃雲碓無人水自舂玉友一尊為老伴木奴千樹當侯封宦途坎壈謀身拙病骨支離觸事慵早掛一帆歸去好五湖烟景最情鍾

盧彥威用韻見贈亦復次韻

東籬紫菊露方濃西舍黃梁夜自舂蕙帳夜空玄鶴怨松門無鎖白雲封圖書老去心猶在朝市重來意轉慵豈有高情齊隱逸正緣多病已龍鍾

論書

右軍瀟灑更清真落筆奔騰思入神裏鮓若能長住世子鸞未必可驚人蒼藤古木千年意野草閒花幾日春書法不傳今已久楮君毛穎向誰陳

寄題保定杜處士晚翠樓

樓外山光翠不如樓中美人老耽書一尊綠酒劉伶醉幾點黃花陶令居虛曠自疑風月近孤高應與世塵疎他時若到丹梯上當有清談一起余

贈張德玉

張君說易萬人誇幽贊神明斷不差動靜六爻雖有象吉凶萬變本無涯河圖妙在縱橫用皇極曾傳一倍加自笑已無疑可卜有疑來問爾西家

歲晚偶成

致君澤物已無由夢想田園雪水頭老子難同非子傳齊人終困楚人咻濯纓久判隨漁父束帶盍堪見督郵準擬新年棄官去百無拘係似沙鷗

勝槩樓

樓下寒泉雪浪驚樓前山色翠屏橫登臨何必須吾土嘯傲聊因得此生簷外白雲來託宿梁間紫燕語關情濟南勝槩天下少試倚闌干眼自明

次韻杜浩卿詠所藏研

我生老研日相尋手不能神謾苦心墨妙已無王令帖詩窮空偉杜陵吟質溫未遜連城璧氣潤先知幾日霖只有子西知鈍體便應刻此當銘箴

送史總管廉訪江東

歷下方誇漢史循江東又見繡衣新可能召父專前代更有蕭規俾後人佐理非才常自愧別離作惡向誰陳何當攬轡從公去歸泛清溪采白蘋

贈脫帖木兒總管

將軍鐵馬擁瑯弓壯歲分符鎮越中山水多情留賀監兒童拍手愛山公紫髯似戟君猶健白髮如絲我已翁說禮敦書殊不忝看君真有古人風

壽平章李韓公

瑞鍾光岳應時需日上天衢手自扶八表同風開壽域五雲異彩映台符經綸至治歸賢相陶冶斯文屬大儒為國白頭身未老掌中行見有明珠

鶴歸亭

在龍虎山虛靖大師舊亭也

仙去人間有故亭四山林竹鬱青青隱居真誥傳千古玉局丹文役萬靈白鶴歸來人換世黃雲翔集夜充庭步虛聲轉松風響思掬岩泉洗耳聽

輓道士危功遠

處世紛紛一夢同覺來虛室已成空藥鑪丹竈塵埃裏羽節瓊輪杳靄中素壁尚明秋館月青松猶引夜窗風仙家自有逍遙趣不用悲哀哭斷蓬

送柳湯佐懷孟總管

河山王屋翠岩堯王輦曾臨號樂郊老子分符稱太守諸兒倚竹候前茅春苗

秋實供厨傳紫筍朱櫻入貢包手種成陰千樹柳政成應有鳳來巢

送吳真人告歸為二親八十壽兼降香名山

許邁揚羲奕世仙木公金母共長年斑衣歸戲鄙君側絳節朝辭玉帝前去去
青牛隨紫氣飛飛白鶴遶香烟大椿自得人間壽八十從今數八千

老態

老態年來日日添黑花飛眼雪生鬢扶衰每藉齊眉杖食肉先尋剔齒籤右臂
拘攣巾不裹中腸慘戚淚常淹移床獨就南榮坐畏冷思親愛日簷

五言絕句

題秋山行旅圖

老樹葉似雨浮嵐翠欲流西風驢背客吟斷野橋秋

題高彥敬樹石圖

喬林動秋風索索葉自語堂堂侍郎公高懷政如許

題萱草蛺蝶圖

藂竹無端綠幽花特地妍飛來雙蛺蝶相對意悠然

題米元暉山水

澄江漾旭日青嶂擁晴雲孤舟渡誰子應得離人羣

黃葵詞

仙掌鬱金衣朝陽風露稀可憐蜂與蝶祇解弄春暉

題孫安之松楸圖

墳墓在萬里宦遊今五年人誰無父母掩卷一潸然

題太白酒船圖

載酒向何處稽山鏡水邊若為無賀老興盡便回船
瀟洒稽山道風流賀季真相思不相見愁殺謫仙人

題彥敬越山圖

越山隔濤江風起不可渡時於圖中看居然在烟霧

寄題真定明遠亭

未到新亭上先題明遠詩雲間歸雁小山外夕陽遲

獨夜

秋風動林葉夜雨滴池荷孤客睡不著亂蛩鳴更多

因禪師輓詩

先子同年文唯餘此老存安心得禪悅閉戶道彌尊
面帝陳三語還山又幾春蕭然無世累卓爾出埃塵
朱閣非新構青松只舊林佛澄今已逝無復聽鈴音
佛性無來去羣生自爾悲達觀應大笑政足見渠癡
作康活我夫分食及龜魚林深幽磬晚猶想定回初

題李仲賓野竹圖

并序

吾友李仲賓為此君寫真使極計蓋欲盡得竹之情狀二百年來以
畫竹稱者皆未必能用意精深如仲賓也此野竹圖尤詭怪奇崛窮竹
之變枝葉繁而不亂可謂毫髮無遺恨矣然觀其所題語則若悲此竹
之託根不得其地故有屈抑盤蹠之歎夫義尊青黃木之災也擁腫拳
曲乃不夭於斧斤由是觀之安知其非福耶因賦小詩以寄意云

偃蹇高人意蕭疎曠士風無心上霄漢混迹向蒿蓬

天冠山題詠二十八首

龍口巖

峭石立四壁寒泉飛兩龍人間苦炎熱仙山已秋風

洗藥池

真人棲隱處洗藥有清池金丹要沐浴玉水自生肥

煉丹井

丹成神仙去井冽寒泉食甘美無比倫華池咽玉液

長廊巖

脩岩如長廊下有流泉注山中古仙人步月自來去

金沙嶺

攀蘿緣石磴步上金沙嶺露下色熒熒月生光炯炯

昇仙臺

仙台高幾許時時覆雲氣一去三千年令人每翹企

逍遙巖

茲嶺可逍遙下可坐百人豈徒木石居真與玄鶴鄰

靈湫

湫上有亭
名聽雨

木石齋全集 卷五
靈湫不受汗深淺何足計小憇松竹鳴蕭蕭山雨至

寒月泉

我嘗遊惠山泉味勝牛乳夢想寒月泉攜茶就泉煮

玉簾泉

飛泉如玉簾直下數千尺新月橫簾鉤遙遙挂空碧

長生池

竹實鳳將至水清魚自行著我草亭中危坐學長生

道人巖

道士本避世問之無姓字如何千載後石室有人至

雷公巖

雷公起卧龍為國作霖雨飛雷掣金蛇其誰敢余侮

石人峯

巨靈長巨天何時化為石特立千萬年終古無人識

學堂巖

仙人非癡人山中猶讀書嗟我廢學久聞此一長吁

老人峯

有石象老人宛然如繪素稽首禮南極蒼蒼在烟霧

月巖

月岩如偃月風泉洒晴雪仙境在人間真成兩奇絕

鳳山

山雞愛羽毛飲啄琪樹間照影寒潭靜翔集花落間

仙足巖

窈窕石屋間中有仙人躅說與牧羊兒慎勿傷吾足

鬼谷巖

鬼谷岩前石唐文字字奇何當拂蒼蘚細讀老君碑

風洞

石壁何空洞中有風泠然安知列御寇不向此中仙

釣臺

仙者非有求坐石示投釣咄哉羊裘翁同名不同調

磬潭

神龍或淵潛石洞通水府勿遣兒曹劇飛空作雷雨

一線天

醯雞舞甕中并蛙居坎底莫作一線看開眼九萬里

馨香嶺

山險通鳥道水深有蛟龍誰言仙樂鳴高人方耳聾

三山石

石癖甚愛山中居何當從羣公講學讀吾書

桃源何殊武陵路雞犬自成村

當攜家去瑤草正萋萋

菌山

結茆依菌山焚香候芝蓋真靈幸憫我冠佩時來會

羅姑洞

翩翩十絕幡飄飄九疑仙洞口辟蘿長來降是何年

霞架海

衆水會一壑天近發霞光晨興新沐竟晞髮向朝陽

桐花源

伊誰植斯桐萋萋滿幽谷鳴鳳久不聞何當一來宿

鶴臺

上有白鶴翔下有幽人居幽人道當成白鶴來不虛

玄洲精舍

予有鸞鶴想甘同麋鹿遊懸榻應待我分我半玄洲

紫軒

林君已仙去紫軒名尚存月光時或現藥鼎夜常溫